



SAOPŠTENJE ZA JAVNOST

Produžen pritvor osumnjičenom G.G. zbog osnovane sumnje u izvršenje krivičnog djela Lihvarstvo

(Brčko, 07.05.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH produžio je pritvor licu G.G. (34)* iz Brčko distrikta BiH zbog postojanja osnovane sumnje da je izvršio krivično djelo Lihvarstvo.

Osnovni sud Brčko distrikta BiH utvrdio je postojanje opštih i posebnih uslova za produženje pritvora licu G.G. iz Brčkog distrikta BiH u trajanju od najduže 2 (dva) mjeseca zbog osnovane bojazni da će osumnjičeni uništiti, sakriti, izmijeniti ili krivotvoriti dokaze, ili tragove važne za krivični postupak, kao i da naročite okolnosti ukazuju da će ometati krivični postupak uticajem na svjedoke, te da postoje naročite okolnosti koje opravdavaju bojazan da će ponoviti krivično djelo, ili da će dovršiti pokušano krivično djelo ili da će učiniti krivično djelo kojim prijeti, a za ta krivična djela se može izreći kazna zatvora 3 (tri) godine ili teža.

Podsjetimo, Policija Brčko distrikta BiH je, dana 25.03.2025.godine, pod nadzorom Tužilaštva Brčko distrikta BiH uspješno sprovedla akciju kodnog naziva „KEŠ” u okviru koje je izvršen pretres jednog lica, jednog putničkog motornog vozila, te stambenog objekata koje je koristilo lice G.G. (34)* iz Brčko distrikta BiH. U toku pretresa pronađeni su i privremeno oduzeti predmeti za koje postoji osnov sumnje da potiču iz pomenutog krivičnog djela, a radi se o novcu u iznosu od 321.825,00 KM i 4.850,00 EUR u različitim apoenima, sredstvima komunikacije i dokumentaciji koja se može dovesti u vezu s počinjenjem istog krivičnog djela.

U daljem toku postupka, Tužilaštvo će nastaviti poduzimati zakonom propisane istražne mjere i radnje u cilju prikupljanja dovoljnog broja kvalitetnih dokaza i daljeg krivičnog postupka procesuiranja odgovornog lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**